

第一章 谱论综述

第一节 帝王诏书

一、宋真宗赵恒修谱诏

奉天承运，皇帝诏曰：朕闻古者因生赐姓，故有著姓氏之书；别生分类，爰命司姓氏之职。故有关世教之大者，莫谱牒之若也。

黄帝二世而颡顼，三世而高辛，四世而尧、舜。禹之先出于昌意，昌之先出于契，文武之先出于社稷，帝王世系故已甚明。汉起沛中，出于尧之苗裔。唐发陇西，实皋陶之派系。迨至我朝，源于伯益。太祖皇帝肇建区夏，应天生圣人之观；太宗皇帝继登大宝，符太平天子之祥。仙源积庆，天派攸分。膺前代受禅之宜，接上世统历之正。

尔在朝文武官员亦必各有原委，其各述祖宗本末以进御览，省志以知我朝人物之盛。源之深者流必长，叶之沃者光必烨。秩秩昭穆，则知祖宗之有自；绳绳世系，实衍谱牒之无穷。故兹昭示，成尔闻之。

皇诏

天禧二年（-0 一八）四月十一日之定

二、宋高宗皇帝赵构勒刘氏文武群臣修谱诏

皇帝诏曰：古者姓氏之权出于上，故姓氏易明。后世姓氏之权出于下，故姓氏工难考。夫继绪关于风化大矣！昔者五帝之相承，三王之相继，无非出于皇帝之后。汉之高祖，本于唐尧。唐之太宗，出于皋陶。至我朝圣祖皇帝，实出自伯益，旋源仙派，绳绳有序，金枝玉叶，秩秩可稽。其在朝文武百官，亦皆有所宗，当必述祖宗之源流始末以进，俾朕得以观本朝人物之盛也。呜呼！木茂则支繁，源深则流远。虽见祖宗之有自，实衍谱系于无穷。故兹昭示，咸使闻知。

公元一一三〇年庚戌年 時建炎四年九月初一日

三、宋宁宗皇帝赵扩修谱圣谕

朕闻唐人重氏族，故谱牒具其后世。非文儒贵戚之家，寢以淪湮而难

考。然起自犁鋤之卿，相降为隶，卒之。世家所为子孙自立何如耳。诚能自立，虽微而寢著；不能自立，虽著而寢微。盛衰兴废，何常之有。人家子孙，百世之下，各宜自立而无忝厥祖也。此朕之所以致望於天下者欤！

四、明太祖皇帝朱元璋赐刘氏族谱诏

粤稽刘氏出御龙之后，自楚南而迁豫章，阀阅传家，代多伟人。至先俊兄弟，文武功勋，鸿声玉振，其子玉盛、孙文滔始迁辰溪溆浦为望族。宏文馆学士伯温不忍先人沦替，乞朕序诸首简，其尊祖敬宗之心至深切矣！

朕承天底定，抚辑蒸民，宵旰战兢，恐艰保父。咨尔刘氏，各具天良，务立矩度之防，快靚维新之命，溯芳规于乃祖，考厥行于前贤。敦厚本源，懋昭上理，虽礼乐俟诸，圣世孝悌本之人心，苟能克自振拔，则何治之不醇？如或即此奋兴？亦何风之不尚，尔姓钦哉！毋辜朕意。

公元一三六九年己酉岁洪武二年

五、明太祖朱元璋南京紫金山祭天《祭文》

臣朱元璋，叩告天穹，日、月、山川以及历代皇祖之灵寢。自宋运告终，天命真人于沙漠入主中原，百有余年，今运也终。惟臣上承天道，下顺臣民，驱降百年之患，戡定南北梟雄。于正月四日设祭于紫金山颠，昭告天帝皇祇。立国大明，建元洪武。

洪武元年（公元 1368 年）戊申正月四日

六、清朝圣祖仁皇康熙招民填蜀诏书

朕承先帝遗统，称制中国。自愧无能，守成自惕。今幸四海同风，八荒底定，贡赋维周，适朕愿也！独痛一隅自猷贼蹂躏以来，土地未辟，田野弃治，荒芜有年，供赋维艰，虽微毫未不能供在位之费。尚起江南江西助解应用，朕甚悯焉。今有温卢二卿具奏，陈言湖南民有穀击肩摩之风，地有一粟难加之势。今特下诏，仰户部飭行川省，湖南省处文武官员知悉：凡有开垦，百姓任从通往，毋得关隘阻挨。俟开垦六年，外候旨起科。凡在彼官员招抚有功，另行加奖。

康熙三十三年（一六九四年）岁次甲戌正月诏